

ÚTILÍFSSKÓLI SKÁTA

Upplýsingabréf 2 til stjórnenda, 27.4.2020



Sumardagurinn fyrsti var síðastliðinn fimmtudag, 23. apríl, en hann er oft notaður sem viðmið um ákveðin verkefni í undirbúningi útilífsskólanna. Í ljósi þess viljum við gjarnan minna hvert skátafélag á nokkra hluti sem gott er að ljúka núna sem allra fyrst ef það hefur ekki verið gert nú þegar.

Ákveða námskeiðsvikur í sumar

Á hverju ári ætti stjórn skátafélagsins að hafa gert áætlun um námskeiðsvikur sumarsins út frá viðburðartali BÍS, sumarstarfi skátafélagsins og styrktu starfstímabili starfsmanna. Þegar skólastjóri er ráðinn er æskilegt að staðfesta þessa áætlun sem allra fyrst og **vera tilbúin að auglýsa þegar sumardagurinn fyrsti gengur í garð.**

Síðasta föstudag, 24. Apríl, var tilkynnt að landsmóti skáta sem fara átti fram í sumar yrði frestað til sumarsins 2021 vegna þeirrar óvissu sem heimsfaraldur ylli skipulagi þess móts. Þannig eru mögulegar námskeiðsvikur í sumar eftirfarandi:

Möguleg námskeiðsvika 1: 8. – 12. júní

Möguleg námskeiðsvika 2: 15. – 19. júní (styttra v. 17. Júní)

Möguleg námskeiðsvika 3: 22. – 26. júní

Möguleg námskeiðsvika 4: 29. júní – 3. júlí

Möguleg námskeiðsvika 5: 6. – 10. júlí

Möguleg námskeiðsvika 6: 13. – 17. júlí

Möguleg námskeiðsvika 7: 20. – 24. júlí

Möguleg námskeiðsvika 8: 27. – 31. júlí

Möguleg námskeiðsvika 9: 4. – 7. ágúst (styttra v. frídags verslunarmanna)

Möguleg námskeiðsvika 10: 10. – 14. ágúst

Við hvetjum þau skátafélög sem fá starfsmenn úthlutaða í 8 vikur eða skemur til að skoða að **gera hlé í mögulegri námskeiðsviku 8 og 9.** Bæði til að gefa eldra starfsfólki möguleika á sumarfrí og því þátttaka er iðulega slæm þessar vikur en mjög góð fyrstu tvær vikurnar í ágúst.

Opnun skráningar á námskeið:

Við mælum með því að skráning á námskeið ykkar opni sem allra fyrst en skátamiðstöðinni berst nú fjöldi fyrirspurna um hvenær skráning opni í hinum og þessum útilífsskólanum.



Skátafélögum stendur til boða að hafa skráningu sína á skatar.felog.is en **stofnaður hefur verið fullur aðgangur fyrir alla skólastjóra sem okkur hafa borist upplýsingar um**. Hafi þeim ekki borist upplýsingar um sinn aðgang geta þau haft samband við þjónustufulltrúa Skátamiðstöðvarinnar. Vanti þeim kennslu biðjum við þau að hafa samband við erindreka sem geta boðið þeim námskeið gegnum fjarfundarbúnað við fyrsta tækifæri sem hentar þeim.

Skátafélögum **stendur einnig til boða að koma upp skráningu á sportabler.com** en þá eru þau beðin um að vera í sambandi við okkur og við vísum þeim á okkar tengilið hjá þeim. Garðbúar og Landnemar hafa sett sína skráningu upp á þeirri síðu og má sjá sýnidæmi hér:

<https://sportabler.com/shop/landnemar>

Auglýsa námskeiðin á netinu:

Við mælum með því að **upplýsingum um námskeiðin sé komið á frístundavefi, utilifsskoli.is, á heimasíðu ykkar og á samfélagsmiðla sem allra fyrst** en samt ekki fyrr en eftir að þið hafið sett upp skráningu á námskeiðin.

Traffík um frístundavefi er mikil núna og næstu tvær til þrjár vikurnar. Reynslan hefur sýnt okkur að útilífsskólar geta tekið á sig mjög stór högg í þátttökutölum þegar þessar upplýsingar eru settar of seint á þennan miðil. Landnemar og Mosverjar hafa birt sínar upplýsingar á frístundarvef og hvetjum við önnur félög til að gera slíkt hið sama. Gætið þess að upplýsingar um tímabil námskeiða og hvar skráningu sé að finna sé auglýst á þessum stöðum. Sérstök **athygli er vakin á að öll skátafélög geta auglýst á frístundavefnum** og hann er vel sóttur af íbúum allra bæjarfélaga á höfuðborgarsvæðinu. Eftirfarandi síður auglýsa sumarstarf:

[Frístundavefurinn](#) (Reykjavík, Hafnarfjörður og höfuðborgarsvæði)
[Sumarvefur Garðabæjar](#) (Garðabær og Álftanes)
[Sumarvefur Kópavogs](#) (Kópavogur)
[Sumarvefur Mosfellsbæjar](#) (Mosfellsbær)

Skátasamband Reykjavíkur heldur úti síðunni utilifsskoli.is sem að er reglulega auglýst af Skátunum yfir maí mánuð. Þar hafa upplýsingar námskeiða í sumar verið birtar fyrir Garðbúa, Skjöldunga, Landnema og Mosverja. Við hvetjum önnur félög til að koma þessum upplýsingum á ssr@ssr.is hið fyrsta.



Flest skátafélög halda úti heimasíðu og eru gjörn að setja upplýsingar um sinn útilífsskóla á þær síður. Við sjáum að Landnemar og Garðbúar hafa á þessum tímapunkti komið upplýsingum um sinn útilífsskóla í loftið en við hvetjum því önnur félög til að gera slíkt hið sama hið fyrsta.

Skátafélögin eiga öll samfélagsmiðlasíður sem eru notaðar til að segja frá og auglýsa námskeiðin yfir sumarið. Gott er að auglýsa ykkar upplýsingasíður í gegnum samfélagsmiðla en við sjáum að Landnemar hafa gert það á þessum tímapunkti og hvetjum önnur félög að gera slíkt hið sama sem fyrst.

Mörg skátafélög senda upplýsingapóst um sumarnámskeið hvers árs til þeirra sem tóku þátt í útilífsskólanum í fyrra og til skáta sem störfuðu með félaginu á liðnu ári. Við mælum með því að skátafélög geri það þegar upplýsingar liggi fyrir.

Varðandi útilífsskóla lógó:

Með þessu upplýsingabréfi **fylgja lógó útilífsskólanna í þremur sniðum**; lóðrétt, lárétt og hringlaga. Hvert snið er í lit og í svarthvítu. Öll sniðin eru í .png sniði með gagnsæjum bakgrunni. Þetta er til gera ykkur kleift að geta notað merkin auðveldlega í ykkar markaðsstarfi ef þið viljið. Vonandi nýtist þetta vel.

Auglýsa eftir öðru starfsfólki

Við mælum með því að skátafélögin byrji núna að auglýsa eftir öðru starfsfólki útilífsskólans. Gott er að stefna að því að vera búið að ráða til sín allt starfsfólk fyrir miðjan maí en eftir það verður örlítið meira álag vegna annarra verkefna. Skátafélög geta fengið laus störf auglýst á starfstorgi Skátanna á eftirfarandi slóða: <https://skatarnir.is/starfatorg/>

